



МОЛИТВЫ
О
ДЕТЯХ

ТЕБЕ ВРУЧАЮ
ЧАДО МОЕ



Сборник

Молитвы о детях.

Тебе вручаю чадо мое

Текст предоставлен правообладателем

http://www.litres.ru/pages/biblio_book/?art=50539408

Молитвы о детях. Тебе вручаю чадо мое: Сатисъ; Санкт-Петербург;

2002

ISBN 978-5-7373-0234-4

Аннотация

Без молитвы, заступления Божия – не сохранить наших детей от искушений современного мира. Главным для родителей-христиан должно быть «...воспитание в ребенке живого члена воинствующей Церкви Христовой» (Н.Е. Пестов).

В молитвослов вошли прошения и молитвы о посещении Божиим в радостях и печалях многотрудного дела воспитания детей и молитвы благодарения за Божие промышление о наших чадах.

Содержание

Молитвы о даровании детей	5
Молитва супругов о даровании детей	5
О праведных Захарии и Елисавете	7
Акафист святым и праведным Богоотцам Иоакиму и Анне	8
Личное прошение праведной Анны о даровании дитя[1]	25
О святых праведных Иоакиме и Анне	26
Личное прошение праведной Анны (в желании иметь дитя мужского пола)	27
Конец ознакомительного фрагмента.	46

Молитвы о детях.

Тебе вручаю чадо мое

По благословиению Митрополита Санкт-Петербургского и
Ладожского

ВЛАДИМИРА



Молитвы о даровании детей

Молитва супругов о даровании детей

Услышь нас, Милосёрдный и Всемогущий Бже, да молением нашим ниспослана будет благодать Твоя. Будь милостив, Гбсподи, к молитве нашей, вспомни закон Твой об умножении рода человеческого и будь милостивым Покровителем, да Твоёю помощью сохранится Тобёю же установленное. Ты властною силою Твоёю из ничего все сотворил и положил начало всего в мире существующего – сотворил и человека по образу Своёму и высокою тайною освятил союз супружества в предуказание тайны единения Христа с Церковью. Призри, Милосёрдный, на рабов Твоих сих (имена), союзом супружеским соединенных и умоляющих о Твоёй помощи, да будет на них милость Твоя, да будут плодовиты и да увидят они сыны сынов своих даже до третьяго и четвертаго рода, и до желаемой старости доживут и войдут в Царство Небёсное, чрез Гбспода нашего Иисуса Христа, Которому всякая слава, честь и поклонение подобает со Святым Духом во веки. Амíнь.

День памяти 5/18 сентября

О святити угодницы Бжии, пророче Захарие и праведная

Елисавето! Подвигом добрым подвизавшесе на земли, восприяли есте на небесех венец правды, егоже уготовал есть Гóсподь всем любящим Его. Тёмже взирающе на святыи ваш образ, радуемсе о преславнем скончании жительства вашего и чтим святую память вашу. Вы же, предстоя Престолу Бóжию, примите моления наша и ко Всемилостивому Богу принесите, о еже простити нам всякое прегрешение и помощи нам стати противу кознем диавольским, да избавльшесе от скорбей, болезней, бед и напастей и всякаго зла, благочестно и праведно поживем в нынешнем веце и сподобимся предстательством вашим, аще и недостойни есмы, видети благая на земли живых, славяще Единого во святых Своих славимаго Бóга, Отца и Сына и Святаго Духа, ныне и во веки веков. Амíнь.

О праведных Захарии и Елисавете

Праведные супруги, «поступая по всем заповедям Господним беспорочно», страдали неплодием, что считалось в ветхозаветные времена наказанием Божиим. Получив весть от ангела о том, что жена родит сына, св. Захария усомнился в этом и был наказан немотой. Когда праведная Елисавета родила сына, его назвали Иоанном.

Пророк Захария был убит по повелению Ирода, через сорок дней скончалась и праведная Елисавета.

Праведным Захарии и Елисавете особо молятся о помощи в трудных родах и в супружеском неплодстве или бесчадии.

Акафист святым и праведным Богоотцам Иоакиму и Анне

День памяти 9/22 сентября

Кондак 1

Избранныи от человеческого рода прародителие Христовы, рождшии преблагословенную Богоотроковицу, из Нея же по плоти Сын Божий родися, святии и праведнии Богоотцы Иоакиме и Анно! Яко имущии дерзновение велие ко Христу Богу, и выну предстоящи престолу Его небесному, Тому прилежно молитесь от бед нам избавитися, да выну зовем вам: Радуйтеся святии и праведнии Богоотцы Иоакиме и Анно.

Икос 1

Ангел предстатель послан бысть к вам от Бога, святии и праведнии Богоотцы Иоакиме и Анно, егда о бесплодии своем ов убо в пустыни, ова же в саду своем сетовасте, к Богу молитву возносяще и тако благовестие радостное принесе бесплотный, яко родити имате Дщерь Препблагословенную, о Ней же возблагословится весь род человеческий, с ним же и

мы вам радостное приносим хваление:

Ра́дуйтесь, корене Давидова стопроцветшия розги винограда животнаго;

Ра́дуйтесь, родшии Дщерь, от всех родов преблагословенную.

Ра́дуйтесь, воплощагося Сы́на Божия прародителие всечестнии;

Ра́дуйтесь, таинства от века утаеннаго проявителие всеизряднии;

Ра́дуйтесь, утехи израилевы ближайшии по плоти сродницы;

Ра́дуйтесь, обетованнаго миру Спасителя единокровнии южицы.

Ра́дуйтесь, святии и праведнии Богоотцы́ Иоакиме и Анно.

Кондак 2

Видев себе святы́й Иоаким, во храме Иерусалимстем бесплодия ради от архиерея уничиженна, зело опечалися и в горести души своея в пустыню к своим стадом удалися, и тамо со многими слезами тепле ко Гóсподу моляшеся, да сподобит его отцем своему чаду нарещися, и тако к молитве же пост прилагаше, и в сокрушении сердца Вседержителю Богу взываше: Аллилу́иа.

Икос 2

Силу горести мужа своего святая Анна уведевши, в дому своем сидящи, горце плакася и моляшеся ко Гбсподу, да поношение бесплодия от нея отъимет. Мы же толикое терпение праведных поминающе воззовем:

Рáдуйтеся, Богоизбранная двоице, Единому от Троицы, Мáтерь по плоти породившая;

Рáдуйтеся, Зиждителю вашему Родительницу непорочную произведшии.

Рáдуйтеся, супрузи благословеннии, Преблагословенную в женах Дщерь воспитавшии;

Рáдуйтеся, в бесплодии вашем от Гбспода услышании.

Рáдуйтеся, яко слезныя молитвы ваша проникоша небо и во ушью Бóга Израилева достигоша;

Рáдуйтеся, яко поношение ваше временное во славу вечную на небеси и на земли изменися.

Рáдуйтеся, святии и праведнии Богоотцы Иоакиме и Анно.

Кондак 3

Силою Бóжиею преисполнен, явился ангел Господень святому Иоакиму в пустыни и рече ему: услыша Бог молитву

твою и изволи дати тебе благодать Свою, се бо жена твоя Анна зачнет, и породит тебе Дщерь, о Ней же всему миру будет радость: сия рек бесплотный, повеле ему ко храму Иерусалимскому паки отъидти, идеже он супругу свою молящуся обрящет, с нею же вкупе да воспоеет тамо хвалебную песнь Богу Израилеву: Аллилу́иа.

Икос 3

Имущи скорбь велию в сердце своем, Анна святая, и в вертоград дома своего вшедши, виде гнездо птичье на древе сооружено, птенцы малыя в нем лежащия, абие моления к молениям прилагати потщася, да сподобит ю Гóсподь матерь чаду быти. И се явися ей ангел Господень глаголя: услышана есть молитва твоя и воздыхания твоя проидоша облаки, слезы же твоя пред Бóга внидоша: се зачнеши и родиши Дщерь Преблагословенную, о Ней же возблагодарятся вся колена земная, и Тою дастся спасение всему миру, наречется же имя Ей Мария: таковое ангельское всерадостное благовещение поминающе воспоем Богоотцем таковыя;

Ра́дуйтесь, супрузи праведнии, от Бóга свыше предизбраннии;

Ра́дуйтесь, во всех заповедех Госпóдних без порока ходившии.

Ра́дуйтесь, в скорби вашей временней утешение вечное получившии;

Ра́дуйтеся, паче чаяния вашего десницею Бóжиею превознесеннии.

Ра́дуйтеся, яко во смирении вашем и скорби, помяну вы Гóсподь;

Ра́дуйтеся, яко сподобистесь прародителие Сыну Бóжию быти.

Ра́дуйтеся, святии и праведнии Богоотцы́ Иоакиме и Анно.

Кондак 4

Бурею сомнения Иоаким праведный содержим и о благовестии ему ангела недоумеая, абие во град Иерусалим отъиде, идеже пред враты храма святую Анну обрете, Гóспода вельми славословящую и радость ангельскаго явления и о чаде проречения ему возвещающую, тем же и о своем видении супружнице благовестив, вкупе с нею возопи ко Гóсподу: Аллилу́иа.

Икос 4

Слышавше сродницы и знаемии о преславном святыя Анны зачатии Бóга Израилева славляху, Анна же богомудрая, плод чрева своего на служение Богу обрече, теплое благодарение Господеву возношаше, мы же светло всеславное зача-

тие Богоотроковицы Марии воспевающе, Тоя святым родителем глаголем сице:

Ра́дуйтесь, радостнии нам грядущаго в мир Искупителя провозвестницы;

Ра́дуйтесь, присно поминаемии чаемаго Спасителя протцы.

Ра́дуйтесь, чрез Дщерь вашу Благословенную, слову Бóжью плоть взаимоотновавшии;

Ра́дуйтесь, Бóга воплощенна Внука себе нарицающии.

Ра́дуйтесь, велией благочестия тайны достойнии служителие;

Ра́дуйтесь, Бóжия к человеку снисхождения всеизряднии посредницы.

Ра́дуйтесь, святии и праведнии Богоотцы́ Иоакиме и Анно.

Кондак 5

Богосветлую звезду явльшую Солнце правды Христа́ Бóга, Пресвятую Богородицу, плотию родити сподобистесь, и вожденное имя Богоотцев приясте Иоакиме и Анно всеблажении, о Ея же рождестве святем небо и земля возрадовашася, и весь род человеческий освятися, вопия дивному во святых Своих Богу Израилеву: Аллилу́иа.

Икос 5

Видевше родителие от них родшуюся Богоотроковицу Марию, Зиждителеву же Матерь, яко кивоту Божію, благоговейно Той послужиша, темже и нас, к вам молитвенно припадающих, не отвратитесь, глаголющих:

Радуйтєся, в рождестве Богоотроковицы Марии светло возликовавшии;

Радуйтєся, видением Богоотроковицы услажденнии.

Радуйтєся, слышанием Ея умиленнии;

Радуйтєся, по сих от архиерея Божія благословеннии и ублаженнии.

Радуйтєся, Агницу Непорочную в дому своем добре упасшии;

Радуйтєся, Агнца и Пастыря Матерь во Дщерь себе приемшии.

Радуйтєся, святии и праведнии Богоотцы Иоакиме и Анно.

Кондак 6

Проповедницы чудес Божіих явистєся святии, егда обет свой Богу совершите и трилетнюю Богоотроковицу Марию в храм Божій со славою введете, да обитает тамо во

Святая святых, о сих убо радостно Богу отец ваших славословия песнь воспевати потщастесь: Аллилуия.

Икос 6

Воссия Богоотроковица яко луна полная в честнем Своем в храм Господень вхождении, Ея же чистоте ангелы удивляхуся, и архиерей Божий Захария прием Ю от рук ваших, святии Иоакиме и Анно, во внутренняя Святая святых с честью введе, яко воистину одушевленный Божий кивот, вас же по достоянию ублажи хваленьми таковыми:

Радуйтеся, радость всемирную роду человеческому породившии;

Радуйтеся, Виновницу человеческого обновления воспитавшии.

Радуйтеся, в храм Господень кивот одушевленный Божий приведшии;

Радуйтеся, Дщерь вашу Святую, во Святая святых вместившии.

Радуйтеся, Богу, воплотитися хотящему, сродницы являющиися;

Радуйтеся, ангелом собеседницы бывшии.

Радуйтеся, святии и праведнии Богоотцы Иоакиме и Анно.

Кондак 7

Желание души твоя исполнив, и обет твой Богови воздав, Иоакиме преблаженне в старости добрей свято и праведно жизнь земную о Господе скончал еси. Тем же ныне Тому и о нас сотвори молитву, да благую, мирную и непостыдную кончину получитьи сподобимся, зовуще Ему: Аллилу́иа.

Икос 7

Новое и богоугодное житие во вдовстве твоём Анно святая, провождала еси у храма Божия приметающихся и Святей и Препоблагословенней Дщери твоей сослужащи, тем же яко истинную и богоугодную вдовицу, Христову же прабабу ты восхваляем, вкупе же и мужа твоего, Богоотца Иоакима, усердно чествуем и с любовию песни таковыя вам приносим:

Ра́дуйтесь, праведницы, их же правда яко солнце сияет во веки;

Ра́дуйтесь, ангелом друзи, сожителие святым и приснии Богу.

Ра́дуйтесь, ближнии Небеснаго престола предстоятелие;

Ра́дуйтесь, дерзновение велие ко Христу́ Богу имущии.

Ра́дуйтесь, церкви на Небеси торжествующия украшение;

Ра́дуйтесь, церкви воинствующия на земли доброе заступ-

ление.

Ра́дуйтесь, святии и праведнии Богоотцы́ Иоакиме и Анно.

Кондак 8

Странствие земное совершив, святая и праведная Анно, на руках пребожественных твоей Дщери, Богородицы Марии, сном смертным почила еси и к Богу со упованием представилася еси, тем же святое усупение твое славяще, молим тя о богопраматерь всечестная, да егда и мы сном смертным усыпати начнем, умоли Спаса Христа́, кротко душу нашу от тела отдели и бесовския власти ю избавити, спасения же вечнаго нас удостоити, да зовем Ему в радости святых: Аллилу́иа.

Икос 8

Весь мир христианский блажит вас по достоянию, святии и праведнии Богоотцы́ Иоакиме и Анно, и молитвенно ваша честная имена прославляет, Церковь же Христо́ва светло память вашу празднует и песни хвалебныя вам приносит сице:

Ра́дуйтесь, светильницы мрак душ наших благодатно озаряющии;

Ра́дуйтесь, от горних высот славы вашаея к земнородным

милостиво приносящими.

Радуйтесь, Богородице Марии сомолитвенницы всегдашнии;

Радуйтесь, Христа́ Бóга умиловителіе многомощнии.

Радуйтесь, любовь и веру к вам имущих от всяких бед спасающии;

Радуйтесь, молитвенно на помощь вас призывающих от напрасныя и наглыя смерти избавляющии.

Радуйтесь, святии и праведнии Богоотцы́ Иоакиме и Анно.

Кондак 9

Вси ангели Бóжии и лица святых Бóжиих на небеси вас, святии и праведнии Богоотцы́ Иоакиме и Анно, целуют, роди же человечестии на земли молитвенными песньми вас похваляют и о предстательстве вашем благодарно вопиют Богу: Аллилу́иа.

Икос 9

Витийства наша не довлеют к достойней вам похвале, святии прародителіе Христовы: обаче вы, милостивы суще, и наша убогая хваления не отвратите, но будите о нас теплии предстеліе и молитвенницы ко Гóсподу, вашими святыми

молитвами скудость душ наших восполняюще, да благодарственне вам зовем:

Ра́дуйтесь, радости и славы вечныя вожделении нам ходатаи;

Ра́дуйтесь, благ временных и вечных усерднии нам пред Господем ходатаи.

Ра́дуйтесь, от смертоносныя язвы предстательством вашим верныя сохраняющии;

Ра́дуйтесь, тлетворныя ветры молитвами вашими разгоняющии.

Ра́дуйтесь, трясение земли и бури зельныя ходатайством вашим установляющии и в тишину прелагающии;

Ра́дуйтесь, во всяких бедах и злоключениях на помощь к нам ускоряющии.

Ра́дуйтесь, святии и праведнии Богоотцы́ Иоакиме и Анно.

Кондак 10

Спасения душевнаго желающим и о сем усердно подвизающимся, помощницы блазии святии и праведнии Богоотцы́ Иоакиме и Анно явистесь, ов убо иноком, ова же инокинем и хранители именуется, общее моление за всех верных Богу приносяще, да вси благодарственне зовут прославльшему вас во вселенней Царю Славы Христу́: Аллилу́иа.

Икос 10

Стеною молитв ваших небесных, святии и праведнии Богоотцы Иоакиме и Анно, сохраняйте и ограждайте нас от искушений врага диавола, ищущаго душевной погибели нашей: вемы бо, вемы, яко много может молитва ваша пред лицом Христа Бога нашего, вашего же по плоти Внука, Его же умоляти не престаите о всех, с любовию вас почитающих и вопиющих:

Ра́дуйтесь, маслина благоплодная, елей Мати Божией обильно нам источающая;

Ра́дуйтесь, кипариси двое благосеннолиственнии, зной страстей наших в покои бесстрастия приводящии.

Ра́дуйтесь, виссоне и багрянице, из них же скиния Божия селения соорудися;

Ра́дуйтесь, горлицы единосупружнии, Голубицу Непорочную произведшии.

Ра́дуйтесь, со Дщерию вашею, всех Царицею вечно царствующии;

Ра́дуйтесь, в Сионе горнем в обители Ея небесней светло торжествующии.

Ра́дуйтесь, святии и праведнии Богоотцы Иоакиме и Анно.

Кондак 11

Пение наше хвалебное милостивно примите, и щедрот ваших молитвенных нас не лишите, о, святии прародителие Христо́вы Иоакиме и Анно, аще и недостойнии есмы грехов ради наших, вашего святаго заступления: обаче яко блази и всещедри суще, сие нам подадите, и помозите нам покаянием очиститися от скверны греховныя, да в чистоте сердец воспоем Создателю нашему хвалебную песнь: Аллилу́иа.

Икос 11

Светоподательныя два светильника, всемирную свещу возжегшия, познаим святых Богоотец Иоакима и Анну, о братие, и сиянием тех небесныя славы озаряеми, воспоем им таковыя:

Ра́дуйтеся, славнейшую без сравнения серафим воспитати удостоившиися;

Ра́дуйтеся, лучами благодати Божия осиянии.

Ра́дуйтеся, благоухания духовнаго преисполненнии;

Ра́дуйтеся, фимиам молитв ваших о всем мире христианством Богу приносящи.

Ра́дуйтеся, с Богородицею Мариєю и предтечею Иоанном у престола Христо́ва выну предстоящи.

Ра́дуйтесь, святии и праведнии Богоотцы́ Иоакиме и Анно.

Кондак 12

Благодать Бóжию и милость нам подати, прощение же грехов и исправления жития ниспослати просите нам у Гóспода, святии Богоотцы́ Иоакиме и Анно, и не перестаите о нас пред лицем Вседержителя Бóга моляще, яко стяжавшии к Нему дерзновение многое. О сем усердно к вам припадающе, яко присных предстателей и заступников наших просим и благоумиленно зовем всех Творцу: Аллилу́иа.

Икос 12

Поюще многомощное предстательство ваше к Богу, Иоакиме и Анно праведнии, величаем возвеличившаго вас Христа́ Гóспода, воспеваем и рожденную от вас Пренепорочную Его Ма́терь, вам же от усердия нашего сия достодождныя похвалы приносим:

Ра́дуйтесь, от востока и до запада препрославленнии;

Ра́дуйтесь, стражие божественнии неусыпно бдящии в молитвах к Богу о всех верных.

Ра́дуйтесь, помощь вашу благодатную всяцей душе христианстей подающии;

Ра́дуйтесь, во благих моления и прошения благочестивых исполняющи.

Ра́дуйтесь, душевных и телесных недугов преизряднии и безмезднии целители;

Ра́дуйтесь, благ временных и вечных всеусерднии и благоприятнии нам ходатаи.

Ра́дуйтесь, святии и праведнии Богоотцы́ Иоакиме и Анно.

Кондак 13

Святии и праведнии Богоотцы́ Иоакиме и Анно! Молим вас со усердием и любовью, к подножию ног ваших припадающе: умолите Го́спода Бо́га, избавити нас от погибели вечныя грешником уготованная, да милосердием Бо́га нашего спасаеми и вашими святыми молитвами поспешествуеми, благодарственно воспоем Ему ангельскую песнь: Аллилу́иа.

Этот кондак читается трижды, затем 1-й икос: «А́нгел предстатель...» и 1-й кондак: «Избраннии от человеческого рода...».

Молитва

О приснославнии Христо́вы праведницы, святии богоот-

цы Иоакиме и Анно, предстоящи Небесному престолу Великаго Царя и велие дерзновение к Нему имущии, яко от Преблагословенныя Дщери вашея, Пречистыя Богородицы и Приснодевы Марии, воплотитися изволившему, к вам, яко многомогущим предстателем и усердным о нас молитвенникам, прибегаем мы грешнии и недостойнии. Молите благость Его, яко да отвратит от нас гнев Свой, по делом нашим праведно на ны движимый, и да бесчисленныя прегрешения наша презрев, обратит нас на путь покаяния и на стезе заповедей своих да утвердит нас. Таже молитвами вашими в мире живот наш сохраните и во всех благих благое поспешение испросите, вся яже к животу и благочестию потребная нам от Бѣга дарующе, от всяких напастей и бед и напрасныя смерти, предстательством вашим нас избавляюще, и от всех враг видимых и невидимых защищающе, яко да тихое и безмолвное житие поживем во всяком благочестии и чистоте, и тако в мире временное сие житие прешедше, в вечный достигнем покой, идеже вашим святым умолением, да сподобимся Небеснаго Царствія Христа Бѣга нашего, Емуже со Отцем и Пресвятым Духом подобает всякая слава, честь и поклонение во веки веков. Аминь.

Личное прошение праведной Анны о даровании дитя¹

Горе мне, Гбсподи! Кому я уподоблюсь? Ни птицам небесным, ни зверям земным: ибо и те приносят Тебе, Гбсподи Ббже, плод свой, я же одна неплодна. Увы мне, Гбсподи! Я одна, грешная, лишена потомства.

Ты, Который даровал некогда Сарре в глубокой старости сына Исаака. Ты, Который отверз утробу Анны, матери пророка Твоего Самуила, призри ныне на меня и услыши молитвы мои. Прекрати печаль сердца моего и отверзи мою утробу, и меня, неплодную, соделай плодоносною, дабы рожденное мною мы принесли Тебе в дар, благословляя, воспевая и прославляя Твое милосердие.

¹ Из Четых-Миней святителя Димитрия Ростовского.

О святых праведных Иоакиме и Анне

До старости прожили в любви и благочестии, но так и не имели детей. Наконец, все отвернулись от них, так как бесплодие считалось позором в Израиле.

Тогда праведные Иоаким и Анна наложили на себя пост и усилили молитвы, и Ангел Господень явился им и возвестил о скором появлении ребенка. Вскоре у них родилась Дочь – Пречистая Дева Мария. Праведным Иоакиму и Анне молятся бездетные супруги, желающие иметь дитя.

Личное прошение праведной Анны (в желании иметь дитя мужского пола)

День памяти 30 августа/12 сентября

Кондак 1

Избранный угодниче Христов и чудотворче, преподобный отче Александре, воссиявый миру, яко звезда благосветлая, жития твоего добротою и множеством чудотворений, восхваляем тя любовью в песнях духовных: ты же, яко имеяй дерзновение ко Гбсподу, молитвами твоими от всяких нас бед свободы, да зовем ти: Рáдуйся, преподобне Александре, Свирский чудотворче.

Икос 1

Ангельский нрав имел еси, отче преподобне, и яко бесплотный, непорочно житие совершил еси на земли, дивный образ совершенства духовнаго нам оставив, да подражаем добродетелем твоим, и зовем ти сице:

Рáдуйся, благочестивых родителей плод богодарованный;
Рáдуйся, неплодие рождших тя разрешивый.
Рáдуйся, сетование их на радость преложивый;

Ра́дуйся, от пелен Богом избранный.

Ра́дуйся, от утробы матерней на службу Ему представленный;

Ра́дуйся, от юности Его единого всем сердцем возлюбивый.

Ра́дуйся, вся красная мира сего ни во чтоже вменивый;

Ра́дуйся, постом и бдением молитвенным плоть твою удручивый.

Ра́дуйся, непорочный сосуде Божия благодати;

Ра́дуйся, жилище Ду́ха Свята́го, украшенное чистотою.

Ра́дуйся, мужу желаний духовных;

Ра́дуйся, главо, освященная десницею Всевышняго.

Ра́дуйся, преподобне Александре, Свирский чудотворче.

Кондак 2

Ви́дя Го́сподь душу твою, яко ниву благовозделанную к плодоносию духовному, от юности к исканию единого на потребу направи твой помысл, преподобне, темже любви ради Христо́вы, родителей твоих и дом отеческий оставил еси, и всякаго пристрастия суетнаго свободився, притекл еси в пустынную обитель Валаамскую на подвиги иноческия, зовый спасающему тя Богу: Аллилу́иа.

Икос 2

Разумом Богопросвещенным постигл еси суету и непостоянство мира сего, в немже радость сменяется скорбию, благополучие же наветуется бедами нечаянными. Тёмже вечных нетленных благ возжелел еси, отче преподобне, и сия взыскати потщался еси отречением мирских благ и вольною нищетою, подвигая нас звати тебе:

Ра́дуйся, пустыннаго безмолвия любителю;

Ра́дуйся, смирения и нестяжания рачителю.

Ра́дуйся, истиннаго самоотвержения совершенный образе;

Ра́дуйся, иноческаго равноангельскаго жития всеизрядное явление.

Ра́дуйся, правило веры и благочестия;

Ра́дуйся, зеркало терпеливаго послушания.

Ра́дуйся, безмолвие иноческое возлюбивый;

Ра́дуйся, слезы духовныя стяжавый.

Ра́дуйся, плачем временным блаженство вечное снискавый;

Ра́дуйся, молитвами непрестанными прилоги вражия сокрушивый.

Ра́дуйся, бдением и трудами плоть твою духови покори-
вый;

Ра́дуйся, постом и воздержанием страсти укротивый.

Ра́дуйся, преподобне Александре, Свирский чудотворче.

Кондак 3

Силою Всевышняго осененный и укрепляемый, в иночестем пострижении власов главы твоя, все плотское мудрование отложил еси, преподобне, и яко воин благоискусный, схиму иноческую в броню спасения стяжав, и непобедимым оружием Креста Христо́ва вооружився, крепко ратовал еси против врага невидимаго – диавола, смирением глубоким побеждая его вознесенную гордыню, и выну вопия ко Гóсподу: Аллилу́иа.

Икос 3

Имея слез источник изобильный, угодниче Бóжий, и умиления велию благодать, хлеб твой слезами орошал еси, и питье плачем растворял, от преизбытка желания Бóжественнаго и любви ко Гóсподу.

Тёмже и мы ублажаем тя звании сими:

Ра́дуйся, крепости и мужества тезоименитый подвижнице;

Ра́дуйся, ангелоподобный человеце.

Ра́дуйся, Царя Небеснаго воине добропобедный;

Ра́дуйся, валаамския обители плод добрый.

Ра́дуйся, пустынножителю благоприятный;

Ра́дуйся, молитвенниче неусыпающий.

Ра́дуйся, постниче изрядный;

Ра́дуйся, безмолвниче дивный.

Ра́дуйся, подвигом древних Богоносных отцев последователю;

Ра́дуйся, их терпению и трудам подражателю.

Ра́дуйся, благовременно могилу себе ископавый;

Ра́дуйся, о смертном часе непрестанно помышлявый.

Ра́дуйся, преподобне Александре, Свирский чудотворче.

Кондак 4

Буря искушений и устремлений диавольских не возможе поколебати храмины твоя душевныя, преподобне отче, основана бо бе на твердом камени веры во Христá, и хранима трезвением и молитвами непрестанными, имиже выну противоборствовал еси врагу спасения человеческого, и непреткновенно восходил еси по стезям добродетелей к совершенству духовному в меру возраста Христóва, воспевая Богу: Аллилу́иа.

Икос 4

Слышав похваляема себе от человек, убоился еси превоз-

ношения суетнаго, отче Богомудре, и яко истинный смирения образ, умыслил еси убежати в пустыню неизведанную, на реку Свирь, на место свыше тебе указанное в видении чуднем, да тамо мирно и невозбранно единому Богу поработаеши, идеже мы сретаем тя благохвалении сими:

Ра́дуйся, смирившагося до рабиа зрака Христа́ Го́спода
благий последователю;

Ра́дуйся, святых Его заповедей усердный исполнитель.

Ра́дуйся, девственниче душою и телом;

Ра́дуйся, трудолюбче нелицемерный.

Ра́дуйся, презревый славу человеческую суетную;

Ра́дуйся, сокрушивый сети тщеславия и гордыни.

Ра́дуйся, поправый высокоумия душевредную прелесть;

Ра́дуйся, усвоивый себе святое смирение Христово.

Ра́дуйся, исполнивый все обеты иночества;

Ра́дуйся, украсивыйся дарами благодати Бóжией.

Ра́дуйся, по благодати приемый власть на духи нечистыя;

Ра́дуйся, ни во чтоже вменивый тех устрашения и привидения.

Ра́дуйся, преподобне Александре, Свирский чудотворче.

Кондак 5

Светозарный луч озари в ночней темноте место пустынное, на немже вселитися пришел еси, преподобне, знаменуя собою светлость души твоя, и пламенеющее любовью ко

Гóсподу сердце твое, идеже благоприятно бысть Творцу твое
произволение работати Ему в преподобии и святости, и пети
Ему тамо хвалебную песнь: Аллилу́иа.

Икос 5

Видевше ангельстии чинове равноангельское житие твое,
отче Богоблаженне, смирения твоего глубину, молитвы
неотступность, воздержания твердость и велию ревность ду-
ха твоего о чистоте, удивишася и прославиша человеколюб-
ца Бóга, укрепляющаго немощное естество человеческое.
Мы же ублажаем тя и зовем:

Ра́дуйся, светильниче пустынный, просветивый страну
корельскую сиянием твоих добродетелей;

Ра́дуйся, иночествующих дивное украшение.

Ра́дуйся, крине благоуханный пустыннаго прозябения;

Ра́дуйся, древо благоплодное небеснаго насаждения.

Ра́дуйся, возлюбивый благолепие дому Бóжия;

Ра́дуйся, в себе самом храм Триипостасному Бóжеству
уготовивый.

Ра́дуйся, преподобием и правдою одеянный;

Ра́дуйся, союзом добродетелей удобренный.

Ра́дуйся, помазание приемый от Свята́го Ду́ха;

Ра́дуйся, освященный сосуде благодати Бóжией.

Ра́дуйся, рабе Христов, благий и верный;

Ра́дуйся, слуго Господень истинный.

Ра́дуйся, преподобне Александре, Свирский чудотворче.

Кондак 6

Проповедник подвигов твоих в пустыни Свирстей явился ловец зверей дивиих, иже гнав еленя в дубраве непроходимей, смотрением Божиим обрете храмину твою, преподобне отче: видев же тя во плоти ангела, знамение благодатнаго озарения на лице своем носяща, страха и радости исполнися, и припад к честным твоим стопам, во умилении сердца возопи Зиждителю Богу: Аллилу́иа.

Икос 6

Воссиял еси в пустыни Свирстей Богосветлое светило, и на спасения стезю наставил еси многи души человеческия: яви бо тя Христо́с наставника и учителя иноком пустыннолюбивым, иже стекахуся к тебе, яко овцы к пастырю, могущу упасти их на пажити живоносней. Те́мже, яко сотворившаго и научившаго, чествуем тя сими похвальными словесы:

Ра́дуйся, источниче Богодухновенных учений;

Ра́дуйся, хранилище изобильнаго умиления.

Ра́дуйся, одушевленные скрижали закона Господня;

Ра́дуйся, немолчный проповедниче Евангелиа Христо́ва.

Ра́дуйся, заповеди Господни исполнимый, и оным научи-

вый учеников твоих;

Ра́дуйся, ленивых подвигнувый к исправлению твоими Хриstopодражательными нравы.

Ра́дуйся, немощных данною ти от Гóспода благодатию укрепивый;

Ра́дуйся, скорбящих сладостию твоих словес утешивый.

Ра́дуйся, грешных к покаянию направивый;

Ра́дуйся, юныя уцеломудривый.

Ра́дуйся, сострадания исполненный;

Ра́дуйся, в милости богатый.

Ра́дуйся, преподобне Александре, Свирский чудотворче.

Кондак 7

Хотя человеколюбец Гóсподь прославити место подвигов твоих, отче, посла ангела Своего благовестити тебе, яко будет на месте том обитель иноком во спасение, и в ней храм во имя Святыя Троицы. Ты же явлением бесплотнаго просвещен, с радостным трепетом внимал еси благовестию небесному, зовый в смирении духа Владыце Ангелов и человекoв: Аллилу́иа.

Икос 7

Новое знамение благоволения Бóжия даровася тебе, Пре-

подобне, егда безмолвствующу ти в избранней пустыни, в нощи свет велий облиста тя, и три мужа в одеждах светлых предсташа пред тобою, мир тебе дарующе и повелевающе, да устроиши тамо обитель иноческую, и в ней храм во имя Святыя Троицы. Дивяся убо сему пречудному в триех ангельских лицах Троическому явлению, зовем ти:

Ра́дуйся: таинниче Пресвятыя и Единосущныя Троицы;

Ра́дуйся, самовидче неизреченнаго Божия явления.

Ра́дуйся, собеседниче светоносных ангельских сил;

Ра́дуйся, созерцателю лучезарнаго Божественнаго видения.

Ра́дуйся, причастниче огнезрчнаго трисолнечнаго сияния;

Ра́дуйся, поклонниче Триипостаснаго Божества.

Ра́дуйся, в смертном телеси бессмертия зарею просвещенный;

Ра́дуйся, на земли небеснаго посещения удостоенный.

Ра́дуйся, смирением высокая стяжавый;

Ра́дуйся, нищетою богатую милость Господню уллучивый.

Ра́дуйся, сеявый слезами радость присносущную;

Ра́дуйся, приемый исполнение обетований непреложных.

Ра́дуйся, преподобне Александре, Свирский чудотворче.

Кондак 8

Страннолепно явился ти на воздухе ангел Господень в

мантии и куколе иночестем, указуяй место, на немже храм во имя живоначальная Троицы имел еси создати в пустыни Свирстей, преподобне отче, егоже Божиим поспешением совершив и освятив, со ученики твоими немолчныя хвалы воссылал еси в нем Господеви, зовый: Аллилу́иа.

Икос 8

Всего себе предав воле Господней, учениками твоими умоленный, священства благодать восприяти не уклонился еси, отче, аще и тужаше дух твой, ужасаяся высоты сея, но послушание явил еси духовным чадам твоим, подвизая их согласно звати тебе:

Ра́дуйся, бескровныя жертвы достойный совершителю;

Ра́дуйся, алтаря Господня благоговейный служителю.

Ра́дуйся, преподобнеи руце твои со многим дерзновением к Го́споду воздеявый;

Ра́дуйся, молитвы теплейшия от сердца чиста к престолу Вседержителя возносивый.

Ра́дуйся, образ благочестия бывый твоим учеником;

Ра́дуйся, мастию священства умащенная главо.

Ра́дуйся, вождю благоискусный воинов духовных;

Ра́дуйся, отче благомудрый общежития иноческаго.

Ра́дуйся, свеще, в молитве к Богу возженная;

Ра́дуйся, звездо, ко спасению путь верный показующая.

Ра́дуйся, маслино, елей милости Божией источившая;

Ра́дуйся, чаша, жаждущих учения спасительнаго напоившая.

Ра́дуйся, преподобне Александре, Свирский чудотворче.

Кондак 9

Вси иноцы обители твоя в радостный трепет приидоша, егда устремление потока воднаго, на святую обитель твою движущееся, молитвою твоею укротил еси, и призыванием всесильнаго имене Иисус Христо́ва, бурному потоку тещи безвредно устроил еси на благую потребу иночествующих, еже видевшу духовная чада твоя, всеумиленно возгласиша купно с тобою Богу: Аллилу́иа.

Икос 9

Витийство человеческое не довлеет изрещи обилие радости духовныя, еюже преисполнился еси, отче Богоносне, егда во время молитвы твоя нощныя, явися ти Пресвятая Богородица с ликом чинов ангельских и обетовании непреложными душу твою возвесели, яко присная Заступница обители твоя будет, снабдевающи и покрывающи ю по вся дни.

Тёмже и мы сия радостная тебе приносим глаголы:

Ра́дуйся, благоволением Богоматере осененный;

Ра́дуйся, посещением Царицы Небесе и земли утешен-

ный.

Ра́дуйся, слышавый милостивыя от уст Ея глаголы;

Ра́дуйся, приемый обетование крепкаго Ея твоей обители заступления.

Ра́дуйся, любимиче Ея преискренний;

Ра́дуйся, избранниче Сы́на Ея и Бо́га.

Ра́дуйся, даром чудотворения облагодатствованный;

Ра́дуйся, будущая, яко настоящая провидевый.

Ра́дуйся, рыбарем ловитву чудесно умноживый;

Ра́дуйся, неплодным родителем чадородие даровавый.

Ра́дуйся, болящия здравы восставивый;

Ра́дуйся, тайная согрешения человеческия обличивый.

Ра́дуйся, преподобне Александре, Свирский чудотворче.

Кондак 10

Спасти хотя души ученик твоих, отечески назидал еси их, Богомудре, оваго словом, оваго примером жития твоего, с кротостию обличая, с любовию увещевая их преуспевати в благочестии и чистоте: наипаче же пред кончиною твоею, вся ко спасению душевному благопотребная заповедал еси им, и научил еси их в молитвах бодрствовать и немолчно пети Богу: Аллилу́иа.

Икос 10

Стена заступления быша молитвы твоя, чудотворче свя-
тый, всем с верою к тебе притекающим во всякой скорби,
ибо чистоты ради твоя сердечная, сила духовная от Бóга
тебе даровася, болящих исцеляти, бедствующим помогати,
будущая прорицати, яко славити ближним и дальным вели-
чия Бóжия, в тебе явленная, и звати тебе сице:

Ра́дуйся, недугов человеческих врачу немздоприемный;

Ра́дуйся, не токмо телесных, но и душевных болезней це-
лителю изрядный.

Ра́дуйся, слепым прозрение даровавый;

Ра́дуйся, сляченных и увечных здравы сотворивый.

Ра́дуйся, бесных от диавольскаго удручения свободивый;

Ра́дуйся, иступленным ум здравый возвративый.

Ра́дуйся, покрытых струпами уврачевавый;

Ра́дуйся, печальных утешивый.

Ра́дуйся, бедствующим на помощь ускоривый;

Ра́дуйся, плененным и в темнице сидящим ослабу и сво-
боду явлением твоим даровавый.

Ра́дуйся, преподобне Александре, Свирский чудотворче.

Кондак 11

Пение всеумиленное принесл еси Пресвятей Троице во время кончины твоя, преподобне, и молитве сущей на устех твоих, предал еси святую душу твою в руце живаго Бѣга, Егоже от юности возлюбил еси, и Емуже до старости маститя работал еси нелицемерно, темже со упованием благим радостно прешел еси к обителем небесным, со ангельскими лики пети триипостасному Богу: Аллилу́иа.

Икос 11

Мирную кончину твою видевшѣ твои ученицы, великий угодниче Бѣжий, скорбь разлучения с тобою утешением благодатным раствориша, в уповании всесильнаго предстательства твоего горе у престола Бѣжия, идеже слышиши с любовью тебе зовущих:

Рáдуйся, венец бессмертныя жизни от руки Вседержителя приемый;

Рáдуйся, в чертозе небеснаго Домовладыки ликовствуйай.

Рáдуйся, откровенным лицом славу Трисияннаго Бѣжества созерцай;

Рáдуйся, со старцы белорусными Творцу поклоняйся.

Рáдуйся, всесветлаго Царствія Христо́ва наследниче;

Ра́дуйся, Иерусалима горняго гражданине.

Ра́дуйся, небеснаго Сиона жителю;

Ра́дуйся, нерукотворенных скиний райских обитателю.

Ра́дуйся, по трудех временныя жизни, покой вечный получивый;

Ра́дуйся, блаженство, от века праведным уготованное, праведно восприявый.

Ра́дуйся, лучами невечерняго света свыше осиянный;

Ра́дуйся, долу величием чудес блистающий.

Ра́дуйся, преподобне Александре, Свирский чудотворче.

Кондак 12

Благодати причастна явися священная рака, содержащая многоцелебная мощи твоя, чудотворче святой, ихже по лех мнозех яви Гбсподь в недрах земных нетленными, исцеления неоскудно источающия, и всяк недуг врачующия силою Бѡга, дивнаго во святых Своих, дивно прославльшаго тя на небеси и на земли, Емуже воспевает: Аллилу́иа.

Икос 12

Поюще радостную песнь хвалы и благодарения человеколюбцу Богу, прославльшему тя в стране россиястей чудотворца дивнаго и милостиваго, молим тя, преподобне отче

наш: буди ходатай к Нему и молитвенник присный о нас, зовущих ти:

Ра́дуйся, рода христианскаго заступниче;

Ра́дуйся, даров многоразличных сокровищница.

Ра́дуйся, покрове, Богом зданный;

Ра́дуйся, от Бóга благодать исцелений восприявый.

Ра́дуйся, цвете нетления, облагоухавый святую Церковь;

Ра́дуйся, заре бессмертия, от гроба преславно воссияв-
шая.

Ра́дуйся, щедрот и милования струя неиссякаемая;

Ра́дуйся, благоутробия источниче неоскудеваемый.

Ра́дуйся, любви и сострадания явление многочудесное;

Ра́дуйся, телес наших благодарованное врачевание.

Ра́дуйся, о душах наших благоприятное предстательство;

Ра́дуйся, преподобне Александре, Свирский чудотворче.

Кондак 13

О великий и преславный чудотворче, преподобне отче наш Александре! Милостиво прияв сие малое моление наше, молитвами твоими сохрани нас от недугов душевных и телесных в жизни сей, и от грядущих мучений вечных избави, и сподоби нас вкупе с тобою во Царствии Небеснем выну пети Богу: Аллилу́иа.

Этот кондак читается трижды, затем икос 1-й «А́н-

гельский нрав имел еси...» и кондак 1-й «Избранный угодниче Христов и чудотворче...».

Молитва

О священная главо, ангеле земный и человече небесный, преподобне и Богоносне отче наш Александре, изрядный угодниче Пресвятыя и единосущныя Троицы, многия милости живущим во святей обители твоей и всем, с верою и любовию притекающим к тебе, являй! Испроси нам вся к житию сему временному благопотребная, паче же к вечному спасению нашему нужная: пособствуй предстательством твоим, угодниче Божий, да в мире глубоце пребудет святая православная Церковь Христова, и во благостроении зиждется царство (Его), во всяком благочестии нерушимо: буди всем нам, чудотворче святой, во всякой скорби и обстоянии скорый помощник: наипаче же в час кончины нашей явися нам заступник благосердный, да не предани будем на мытарствах воздушных власти злобнаго миродержца, но да сподобимся непреткновеннаго восхода во Царствие Небесное. Ей, отче, молитвенниче наш присный! Не посрами упования нашего, не презри смиренных молений наших, но присно о нас пред престолом живоначальныя Троицы предстательствуй, да сподобимся вкупе с тобою и со всеми святыми, аще и недостойны есмы, в селениях райских славити величие, благодать и милость единаго в Троице Бóга,

Отца́ и Сы́на и Свята́го Ду́ха, во веки веков.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.